



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ivdicivm Philippi Melanthonis De Controversia Coenae Domini

Melanchthon, Philipp

Ratisponae, 1560

VD16 M 3533

Scholia.

urn:nbn:de:hbz:466:1-29449

S C H O L I A.

(P) **NEC CVM CONTENTIOSIS**) Sed cum pedaneis, qui pedib. in sententiam eant: Dictorum causas & fundamenta non quærant, aut subito cedant, eo solo contenti, q̄ Philippus dicit, qui vt alter Papa, errare non possit: Tales hîc vult disputatores Philippus.

(Q) **QVI IDOLA ET PARRICIDIA stabiliunt**) Obserua, Christum hîc esse, qui idola & parricidia stabiliat: Ipse .n. ille est, qui de pane sacræ suæ Cœnæ ait: **HOC EST CORPVS MEVM:** Vultq; hoc ita doceri, credi & seruari in Ecclesia, donec venerit. Quo vultu credis, aspiciet Philippû in altero aduentu suo, nisi egerit pœnitentiam Philippus? At qui contrà nos dicimus, Philippum stabilire ipsum idola & parricidia. Idolum stabilis sua doctrina, qua humanæ rationis somnia, sine verbo, & contra Christi verba hîc vult adorari. Parricidium stabilis violentis & crudelib. suis consilijs, quibus eijci pios doctores, defensores veritatis iubet, ijsq; matrem ecclesiam interficit.

(R) **SAEVICIAM**) AEgre fert raptor rapinam eripi è manib., queritur iniustitiam & sæuiciam.

(S) **MANEO IN SENTENTIA**) Audis adhuc stabiliri idola & parricidia.

(T) **CONTENTIONES ESSE** prohibendas) Iuxta dicta: Posui inimicitias: Clama, ne cesses: Argue, increpa, opportune, importune: Spiritus S. arguet mundum. Et q̄ Prophetæ, Christus, Apostoli in te-

neris Ecclesijs non contenderunt [scz, cum Pseudoprophetis & Pseudoapostolis suis, sed ad omnia conuenerunt: Hæc via, hæc ratio nunc, conseruandi & propagandi veritatem & ecclesiam.

(V) FORMA VERBORVM VNA) Philippi, scz in Examine Megalburgen. Iuxta illud Apostoli: *ὑποτυπώσιν ἐχέ ὑγιαίνόντων λόγων ὡν παρέμεικσαται*: Retine formam sanorum verborum, quæ audisti ex me: Vel ipsam Pauli formam retineamus, explosa Christi, vt locum habeat Cingliana interpretatio.

(X) QVIB. HAEC NON PLACENT) Ecquid placerent, quæ Christo non placent? quæ Christum contumelia afficiunt, ex sua ipsum Ecclesia exturbant.

(Y) AD COMMVNIONEM ACCEDERE) Nolumus nobis esse communionem cum Cinglianis, quibus ipsi nobiscum esse vellent, modo si taceremus: Sed neutrum possumus, propter mandatū Dei: Vt de communionem: Ne ducatis iugum cum incredulis: Quod .n. confortium iustitiæ cum iniustitia? Quæ communitio luci cum tenebris? Et de silentio: Clama, ne cesses, vt superiorius. Psalmus etiam ait: Credidi, propter quod locutus sum: Ego autem humiliatus sum nimis. Cæterum illud humiliari, multos iam terret, vt ad omnia silent, scientes & volentes opprimi veritatem (quantum in ipsis est) ociosi spectatores sinant, qui clamoribus, templis, libris orbem alias etiam complent, Deo rationem desertionis huius reddituri.

NON

(Z) NON FACIANT DISTRACTIONES)
Audi de hoc Christum dicentem: Putatis, quia pacem
veni mittere in terrā? Non pacem, sed separationem etc
Et ignem veni accendere: Quam velim vt ardeat.

(A) VT DOCEAT) Docet nos verbo: Quid
est ergo petere doceri, & nolle obtemperare?

(B) DELIBERETVR IN PIA SYNODO)
Idem nos optauimus semper, cōcedimus & optamus pa-
res etiam esse vtrinq; cōditiones, ne detrimētum patiat
veritas. Quam ipsi nobis dare vellent Synodum Cingli-
ani & Adiaphoristā, vereor ne Papistīcā multum abfi-
milis foret.

(C) EX AVTOGRAPHO) Ne dubites de fide:
Quam si quis in dubium vocet, primi authores huius edi-
tionis pro autoritate adstruent.

C O N C L U S I O.

IN Vnc credule, quisquis es, crede & excusa Philippū
non esse Caluinianum: Sorex suo se indicio prodi-
dit: Audiuius testimonium ex ore ipsius, quid amplius
desyderamus? Vt nō sit necesse Caluino iam credere, aut
alijs quibuscunq;, credamus ipsi.

Et si vero & Caluinus scripsit superioribus annis,
Philippum à se totis amplius septemdecim annis nusq; in
hac causā dissensisse, ac planè cōsensisse aduersus Luthe-
rum, & ipse iam hīc suo testimonio, vt prius silentio, plus
satis confirmat, adeo sunt tamen inani profopolipsia